

# QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

die Iouis 13. Nouembris.

M. PETRO LEGIER.

DOCTORE MEDICO, MODERATORE.

*An φιλογέλοιος habitiores?*

## I.

**O**PTIMA caduci corporis constitutio in hoc maximè consistit, quòd partes debitâ temperie & legitimâ ad se inuicem proportionem donatâ, bellum omnino & in omni dimensione perfectum corpus constituent. Hanc corporis prærogatiuam velut propriam sobolem procreat omnium liquidorum motio, quæ totam corporis machinam prout decet irrigantia æqualem æquali sui ipsius portionem distribuunt, vnde firma & robusta actionum omnium virtus enascitur. Ecquid enim humor singulis partibus affusus præstat, nisi reparet quod amissum est, aut restituat quod ex ordine dejectum? Tunc pars eodem quo ante vigore donata, ad functiones alacrius insurgit, & omnibus quibus scatet excrementis liberata, robustum ac constantem euexias gradum obtinet. Purior porro pars redditur ab ipsis liquidis, dum scilicet leuiori & iucundiori motu successa, quidquid sibi non accommodatur ( in hoc enim excrementi natura constituitur ) conspirantibus fibris, victrici conatu foras

protrudit. Quòd si aduenientis robur commorantis torpore atque inertia minus sit, prioris irrita pugnâ, postremi felicius certamen, sed corpori tandem nociturum.

## II.

**H**IC corporis status in solo vtero acquiritur ex solidioribus principiis, per illud *πῦρ σύντροφον* compactis atque agglutinatis, exinde tantum conseruari non comparari potest. Etenim cum à partium omnium *συστάσις* maximè pendear, non talis est vis cordis, vt hanc formam largiri valeat. Imo filamenta, hujus habitus fundamentum & basis, sæpius ita disrumpuntur atque corroduntur à subtilioribus huc & illuc fluentibus humoribus, vel etiam ita coarctantur & vniuntur, vt vel nullam, vel minimam, vel adulteram excipiant tantummodo materiam. Vnde triplex habitus colligitur: nocens verò materia allecta aut corde propulsa tamdiu spatia occupat, donec viam, liquidorum intimas partes alluentium fluxus atque refluxus, nec non etiam ipsius membri motio, ad exeundum facilem præbuerit. Quòd si loca vacua statim impleantur, pristina corporis habitudo accuratè conseruatur. Verùm non semper suppetit accommodata materia, nec impellens causa satis virium obtinet, ex quo à pulchritudine corpus decedit.

## III.

**R**ISVS lætitiâ ferè semper comitatur, estque repentina aëris pulmonis anfractus occupantis per fauces exclusio, propter subitam sanguinis à corde in pulmones motionem. Hanc sequitur vox grata & jucunda etiam *ἁμωρος*, faciei muscoli in lætitiâ consentientes, conceptum in intimis risum explicant. Atque vt lætitiâ affectionum prima foetum afficit, sic risus, siue sanguinis in pulmones effusio, primus est motus quo animam gratè commoueri propter bonum quo fruitur, testatur. Cum scilicet alimentum purum ad primam *πομφόλυγα* siue cor instillauit, tunc necessario motu adaperit, liquorem in circumambientem partem *κρηνηδόν* emisit, ex hac ad constituendas partes amandandum. Atque hæc est *γλυκύπαισις προσῆς* dignitas, corporis basim efficit simul & lætitiâ, cum è

contra ἀκροβίνια ἀνόσια & habitum debilem & tristitiam in-  
uehant : hoc est , quoniam materia agrestis est & ingrata ,  
cordis ostiola constringit , nec vltra præscriptos limites finit  
exspatiari , imbecillis & lentus cordis motus particulas to-  
tum corpus intimè composituras prout decet non potest ap-  
tare , quod , vitium toti importat , licèt prima labes materiæ  
debeatur adscribi , à quâ cordi , dum illius cavitates subit ,  
communicatur , toti mox corpori communis futura.

## I V.

**Q** V O S in vtero animi affectus habuit foetus , eisdem  
grandior factus retinet , & vix aut saltem difficulter  
immutare potest. Qui risit in naturæ ergastulis puer , ridet  
& liber. Atque vt ἀρχαῖος risus integri temperatique liquo-  
ris erat index , sic ὑστερογενὴς suis omnibus numeris absolu-  
tum corpus arguit ; vterque siquidem boni habitus dos est  
peculiaris. Cùm autem risus natura motu compleatur , si quid  
sit infensum in meatibus reconditum expasso pectore , & va-  
forum liquore celerius quàm antea agitato foras erumpit in  
naturæ pleniorē vindictam : sic se ampliant vitalia , & com-  
modo risu capacem cordi regiam adornant in fidem & tesse-  
ram luculentioris foci , cuius penuriâ ad ridendum procliui-  
tas sensim extinguitur , idèò iuuenes senibus magis iocularis :  
cordis quoque & cerebri αἰανσις risum jugulat , nec enim  
illius cornea fibra facili ad risum obsequio explicari , aut ce-  
rebrum αἰκμων tam expeditè moueri potest.

## V.

**A** D risum itaque indoles boni habitus adoptione venit  
& perseuerat , nec risus tamen vnus pulmonis aut tho-  
racis , hunc etiam partes remotiores participant , dùm sci-  
licet sanguis in pulmones effusus in cor resilit , inde maiori  
impetu , ad corporis extima descensurus : partes nouo hos-  
piti adauctæ ab obscuris quibus premebantur incommodis  
vindicanter , & florenti liquore appulso , concitati in thora-  
ce risus splendida habent indicia. Cerebrum frigidis curarum  
fomentis ἀλβιδιον sponte in somnum laxatur. Ira quæ fu-  
ror brevis est , rara est aut citò placabilis. Ventriculus quo-  
que in tam salubris motus partem venit , dùm quæ comple-

4

Etitur melius & citius elaborat, & vires ad ea quæ post modum comprehensus est, in liquorem commutanda, acquirit. Ritus enim in cavitates calorem effundit, & è cavitatibus liquorem exhaurit, licet compressione utrumque peragat. Sic ritus ἀππελαργεί & vitalem naturalemque familiam beat.

*Ergo φιλογέλοιοι habitiores.*

## DOMINI DOCTORES DISPVTVRI

M. Franciscus Gœtel. M. Ant. Io. Morand. M. Claudius Seguin, Christianiss. R<sup>g</sup>.  
M. Petrus Cresci. M. Michail Denys. Matr. primarius Medicus.  
M. Petrus le Large. M. Claudius de Fran- M. Sebastianus Rainfant.  
des. M. Nicolaus Brayer.

Proponebat Lutetiae LVDOVICVS MORIN  
Cenomanus, A. R. S. H. M. DC. LXIV.

PARISIIS,

Apud F. MUGGET, Regis ac Illustrissimi Archiepiscopi  
Parisiensis Typographum, viâ Citharæ, ad  
insigne Adorationis trium Regum.